



MARIELLA CARRINO BEKA - in memoriam

DEIALDIAREN OINARRIAK

Oñatiko Lege Soziologiako Nazioarteko Erakundeak (LSNE) eta Carrino familiak **“Ikerketa soziojuridikoa sustatzeko Mariella Carrino urteko programa”** sortu dute.

Mariella Carrinoren eta hark egin zuen eta gerora argitaratu zen doktorego-tesiaren oroimenez sortutako programa horren bidez, familiak **gizarte-gatazkari, etxebizitza-politikei eta etxebizitzarako eskubideari** buruzko ikerketa zientifikoak sustatu nahi ditu, arlo horietan interesa duten ikertzaile gazteen karrera errazte aldera. Horretarako, urteko ekarpen ekonomiko bat egingo du.

“Mariella Carrino Beka – in memoriam” eskatzeko baldintzak horretarako sortutako Batzorde Zientifikoak balidatuko ditu aldez aurretik, urtero argitaratuko dira Lege Soziologiako Nazioarteko Erakundearen (LSNE) webgunean (www.iisj.es), eta konpromisoa hartuko da bekaren sorrera eragin zuen espiritua zintzoki errespetatzeko.

1. Ikerketa-proiektuak:

Arlo soziojuridikoen inguruko ikerketa sustatzeko proiektuak dira, eta etxebizitza-politika publikoen eta etxebizitzarako eskubidearen inguruko gizarte-gatazkei emango zaie lehentasuna, Mariella Carrinok aztertu zituen gaiei jarraikiz.

Subsidiarioki, beka LSNEen ematen den Lege Soziologiako Nazioarteko Masterreko ikasle baten matrikularen kostua ordaintzeko ere erabili ahal izango da. Horretarako, esleitutako zenbatekoa itzuliko da.

2. Hartzaileak eta ezaugarriak:

2.1. Programa Carrino familiak dohaintzan emandako beka edo laguntza batean datza, eta adierazitako arloen inguruko ikerketa-proiektuetarako emango da (ahal bada, LSNEen ematen den Lege Soziologiako Nazioarteko Masterreko ikasleek edo graduatuek garatutako proiektuetarako).

2.2. Bekaren edo laguntzaren onuradunak LSNEen egin beharko du ikerketa osoa, eta bertako instalazio guztiak, liburutegira eta dokumentazio-zentrora joateko aukera eta Erakundearen jarduera guztietan parte hartzeko aukera baliatu ahal izango ditu.

2.3. Eskaera eta ikerketa-proiektua ingelesez idatzi beharko dira, edota osorik ingelesera itzuli, beste hizkuntza batean idatzi badira. Kasu horretan, eskaerari jatorrizko bertsioa erantsi beharko zaio, edo azken proiektuarekin batera aurkeztu.

2.4. Beka bakarka edo taldean eska daiteke. Bigarren kasuan, pertsona bat ikerketako zuzendaritzaren arduradun izendatuko da. Beka lortu ahal izateko, ezinbestekoa da ikerketa bermatuko duen unibertsitate-titulazioaren bat izatea. Betekizun hori Batzorde Zientifikoak egiaztatuko du aldez aurretik.

3. Batzorde Zientifikoa:

Batzorde Zientifikoa bost kidek osatuko dute: Carrino familiak proposatutako bi kidek eta IISJk proposatutako bik. Azken horietatik bat Eusko Jaurlaritzak izendatutako IISJko Patronatuko kideen artean aukeratuko da, eta bestea, Zuzenbidearen Soziologiako Ikerketa Batzordeak (RCSL) izendatutako kideen artean. Lau kideek bosgarren kidea izendatuko dute.



4. Epeak:

Bekaren deialdi ofiziala LSNEren webgunean eta baliabideetan argitaratuko da. Hautagaitzak, eskatutako dokumentazioarekin batera, 20 egun balioduneko epean aurkeztu beharko dira, deialdia argitaratu eta hurrengo egunetik aurrera zenbatzen hasita, LSNEk horretarako gaitutako formularioaren bidez.

Batzorde Zientifikoa arduratuko da hautagaitzak ebaluatzeaz eta beka uztailaren 31 baino lehen emateaz.

Bekaren onuradunek LSNEn bertan egin beharko dute ikerketa, arribideko urteko irailetik abendura bitartean.

Azaroaren 30a baino lehen, ikerketa-proiektuaren zirriborro aurreratu bat aurkeztu beharko da. Batzorde Zientifikoak ikerketa-proiektuaren zirriborro aurreratuaren kalitatea ebaluatu eta zirriborroa onartuko du, edota hobetu edo osatu beharreko alderdiak adieraziko ditu. Alderdi horiek ikerketa-proiektuaren azken entrega eta balidazioa egin aurretik zuzenduko dira.

- Hautagaitzaren aurkezpena: deialdia argitaratu eta 20 egun balioduneko epean.
- Bekaren emakida: uztailaren 31 baino lehen.
- Ikerketa-proiektuaren lehen zirriborro aurreratuaren aurkezpena: azaroaren 30a baino lehen. (2.500 hitz)
- Batzorde Zientifikoak balidatutako azken proiektuaren eta egiletza-adierazpen sinatuaren aurkezpena: abenduaren 31 baino lehen. (15.000 hitz)

5. Ordainketak:

Carrino familiak emandako zenbatekoa: **4.000 €**. (Lau mila euro).

Honela ordainduko da beka:

- 1) Guztizko zenbatekoaren % **20** onuraduna aukeratu eta hilabeteko epean.
- 2) % **50** Batzorde Zientifikoak ikerketa-proiektuaren zirriborro aurreratu onartu ondoren.
- 3) Gainerako % **30a** azken proiektua aurkeztu eta Batzorde Zientifikoak onartu ondoren.

LSNEk eskubidea izango du dagozkion zenbatekoak ez ordaintzeko, beharrezkoak diren betekizunetakoren bat bete ezean edo Batzorde Zientifikoak proiektua balidatu ezean, eta behar bezala jakinaraziko die inplikaturako alderdiei.

Proiektua bertan behera utziz gero, beka gisa aurrez ordaindutako zenbateko partzialak itzuli egin beharko zaizkio LSNEri. Carrino familiari edo haren ordezkariari behar bezala jakinaraziko zaio, eta itzulitako zenbatekoak zertarako erabiliko diren erabakiko da. Gauza bera gertatuko da beka hutsik geratzen bada.

6. Jabetza intelektual eta publizitatea:

Ikerketa-lana Jabetza Intelektualaren Legeak babestuko du. Horren ondorioz, jabetza intelektualeko eskubideen titulartasuna ikerketa-lana egin duenarena izango da, beste modu batean ezarri denean izan ezik, betiere indarrean dagoen legerian aurreikusitako moduan eta baldintzetan.

Bekaren esleipendunek uko egingo diote LSNEk egile-eskubide gisa emandako konpentsazio ekonomiko orori.

Bekaren xede den ikerketa-lanaren inguruko argitalpen, jardunaldi edo publizitate orok **“Ikerketa soziojuridikoa sustatzeko Mariella Carrino urteko programa”** eta **“Mariella Carrino Beka – in memoriam”** aipatu beharko ditu.

Ondorio guztietarako, bekaren xede den ikerketa-lanari dagokionez, ikertzailea LSNEren filiazio instituzionalarekin agertuko da, eta bidezkoa den lekuan ohartaraziko du hori.



LSNEk lehentasuna izango du ikerketa-lana argitaratzeko garaian (bai paperean, bai formatu elektronikoan), eta atal honetan jasotako publizitate-betekizuna beteko du.

LSNEk uko egin ahal izango dio eskubide horri egilearen mesedetan, Batzorde Zientifikoak hori erabakitzen badu.

7. Betekizunak eta aurkeztu beharreko dokumentuak:

7.1. FORMULARIOA:

7.2. Honako dokumentazio hau erantsi beharko zaio formularioari:

- 1. Unibertsitate-titulazioa egiaztatzen duen dokumentua. (Titulu ofiziala).
- 2. Curriculum Vitaea.
- 3. Proiektuaren izenburua, laburpena (300 hitz gehienez) eta gako-hitzak.
- 4. Ikerketa-proiektuaren eskema xehatua (2-5 orrialdekoa).
- 5. Erabiliko den bibliografiaren aurreikuspena.
- 6. Lan-plana eta kronograma.
- 7. Hautagaien ikerketa-gaitasuna justifikatzen duen beste edozein dokumentu.

7.3. LSNEk hautagaitza garaiz eta taxuz jaso izana adieraziko du. Betekizun hori bete gabe, hautagaitza ez da aurkeztuztat hartuko. Hautagaitza osatu gabe badago, 3 egun balioduneko epean zuzentzeko eskatuko da. Epe hori igaro ondoren betekizunak betetzen ez badira, aurkeztu gabetzat hartuko da.

Oinarri hauek interpretatzean sortzen den zalantza edo kontsulta oro bekako administrazio-arduradun Marije Mesonerori helaraz dakioke (m.mesonero@iisj.es).